

Oz ei il Di internaziunal dalla meteorologia

La meteorologia ha da far cun l'aura.
Ins savess pia era dir a quei
di il Di internaziunal dall'aura.



Uffiz federal da cultura UFC

Schweizerische Eidgenossenschaft
Confédération suisse
Confederazione Svizzera
Confederaziun svizra



text: Chatriina Josty, illustraziun: Yvonne Giemel,
grafica: Theres Jörgler, fotografia: Jörgler-Staubs
zambregida hat: Freya Tschuor
© Lia Rumantscha


KIDSFITSCHE
Lia Rumantscha

Il Di internaziunal dalla meteorologia

Daco eis ei impurtont da saver tgei
che l'aura fa l'auter di?

Ils purs per exempel ston adina saver
tgei che l'aura fa. Sch'ei dat ina
notg freida la primavera, ston els pro-
teger lur plantas. Per far fein eis ei
meglier, sch'igl ei schetg e bi. Ed era
per tei eis ei flot da saver tgei che
l'aura fa damaun – sch'ei plova sas ti
trer en ils stivals da gumma e sch'ei
fa cauld las sandalas.

Co fan ins las prognosas dall'aura?
Dapertut sin il mund – era sin basti-
ments ed en aviuns – ha ei apparats
che mesiran la temperatura, la
plievgia e con sulegl ch'ei dat. Quellas
informaziuns vegnan tuttas rimnadas
sin in computer. Il computer fa lu
biars quens cumplcai per far la pre-
visiun. Sche quei munta neiv, plievgia
ni sulegl san las meteorologas ed ils
meteorologs dir a nus.




Bien di, ti car sulegl,
levaus eis ti oz beinmarvegl,
sclareschas ussa fin e cauld,
da tuts survegns in grond, bi laud.

Tgietschen dalla damaun
fa puoz e pultaun,
tgietschen dalla sera
fa biala tschera.

Daco dat ei in Di internaziunal dalla meteorologia?

L'aura enconuscha negins cunfins dallas tiaras. Perquei eis ei impurtont che meteorologas e meteorologs digl entir mund lavurien ensemen. Per exempel pervia dils huricans: quels stemprai ein prigulus e sche las meteorologas ed ils meteorologs dad ina tiara san ch'ei dat in hurican, san els

avertir lur collegas ellas autras tiaras. Per ch'els sappien luvrar bein ensemen e brattar informaziuns, han ins fundau ils 23 da mars 1950 l'organiziun «World Meteorological Organization», l'organiziun mundiala dalla meteorologia. Ils 23 da mars ei igl anniversari da quella organiziun.



Ei plov' e dat sulegl,
las cauras fan cussegl,
ei crescha narradira
e l'aura vegn aunc pira.

Ei neiv' e neiva scrottas,
ils buobs lezs tilan bottas,
ils tgapers craschlan sin la seiv,
ei neiv' e neiva scrottas.

Tgei fa l'aura damaun?

Oz eis ti la meteorologa ni il meteorolog! Observa l'aura. Ha ei biars nibels? Freda ei da neiv? Dat ei sulegl ni vegn ei a plover? Fa ei damaun la medem'aura? Penda tia prognosa,

pia tiu sulegl, tiu nibel da plievgia, tiu artg sogn Martin ni tiu nibel da neiv vid la finiastra e mira damaun, sche ti has giu raschun cun tia prognosa!



Sulegl

1

Ti drovas:

- 2 gronds tagliors da cartun
- color da gouache melna
- in perforader

- bast oransch e mellen
- fil
- ina forsch



text: Charina Josty, illustraziun: Yvonne Gienal,
grafica: Theres Jörgler, fotografia: Jörgler-Stauss
zambregidà ha: Freya Fischeur
© Lia Rumantscha

KIDSFITSCH
Lia Rumantscha

 Schweizerische Eidgenossenschaft
Confédération suisse
Confederazione Svizzera
Confederaziun svizra
Uffiz federal da cultura UFC


- 1 Pren dus tagliors da cartun e colurescha las varts davos cun mellen. Cuntinuescha pér cura che la color ei schetga.
- 2 Tegn ensemen ils dus tagliors, aschia sco sin il maletg sur-vart. Fora ruosnas egl ur dils tagliors. Mira che las distanzas seigien adina tuttina grondas.

- 3 Taglia tocs da bast da circa 30 cm.
- 4 Faulda permiez ils tocs da bast e va cun il bast dubel tras las ruosnas. Aschia dat ei in'onza. Enfila l'otra vart dil bast tras quella e trai tochen ch'ei tegn. Tras ina dallas ruosnas sas ti trer in fil per pender si il sulegl.

1




2



3



4



Nibel da plievgia

2


Ti drovas:

- in gries pupi blau el format A3
- ina folia transparenta, per exempel dad ina mappa transparenta
- fil
- in rispli
- ina forsch
- cola



- 1 Pren il pupi blau e faulda el ina ga, aschia che ti survegns in A4. Dessegna lu in grond nibel che empleina l'entira pagina. Dessegna il nibel aschia che la part sura ei tier la faulda.
- 2 Taglia ora il nibel. Taglia ora in pèr sdremas dalla folia transparenta.
- 3 Cola las sdremas transparentas sin la part interna dil nibel. Cola lu ensemen las duas mesadads dil nibel, per che las sdremas tegnien bein.
- 4 Penda si il nibel da plievgia vid in fil.

1



2



3



4



Artg sogn Martin

3

Ti drovas:


- 2 gross palpiris alvs en il format A4
- pupi da crep ellas colurs digl artg

- fil
- in rispli
- ina forsk
- cola



- 1 Pren in dils dus fegls e dessegna in grond nibel che empleina l'entira pagina.
- 2 Taglia ora quei nibel. Pren el sco schablona per il secund nibel. Quel duei esser exact tuttina. Taglia sdremas da 50 cm da mintga color dil pupi da crep.
- 3 Cola las sdremas sin in dils nibels e tacca lu ensemen ils dus nibels. Sche ti vul, sas ti aunc designar ina fatscha rienta el nibel.
- 4 Penda si igl artg sogn Martin vid in fil.

1



2



3



4



Nibel da neiv

4

Ti drovas:

- in gries pupi alv el format A4
- vatta

- fil alv
- ina forsch
- ina guila



- 1 Pren il feagl e dessegna in grond nibel che empleina l'entira pagina.
- 2 Taglia ora il nibel.

- 3 Pren in toc fil e la guila. Fora cun la guila tras pliras cullas da vatta e reparta ellas sin il fil. Mira ch'ei detti distanzas regularas. Fai in nuv el fil. Repeta quels pass in pèr gadas. Fora ils fils cun scrottas da neiv tras igl ur sut dil nibel e fai nuvs per ch'ei tegni.
- 4 Penda si il nibel da neiv vid in fil.

1



2



3



4

